

Na osnovu člana 8. stav 1. tačka d) i člana 26. stav 1. Zakona o javnim preduzećima u Federaciji Bosne i Hercegovine („Službene novine FBiH“, broj 8/05, 81/08, 22/09 i 109/12), člana 23. Statuta JP RTV VOGOŠĆA d.o.o. Vogošća, Nadzorni odbor JP RTV VOGOŠĆA d.o.o. Vogošća raspisuje:

## **JAVNI KONKURS ZA IZBOR I IMENOVANJE NA POZICIJU PREDSJEDNIKA I ČLANOVA ODBORA ZA REVIZIJU JP RTV VOGOŠĆA D.O.O. VOGOŠĆA**

### **I**

Objavljuje se Javni konkurs za izbor i imenovanje 3 (tri) člana Odbora za reviziju JP RTV VOGOŠĆA d.o.o. Vogošća (u daljem tekstu: Preduzeće) od kojih najmanje 1 (jedan) član Odbora za reviziju mora biti iz redova ovlaštenih revizora.

### **II**

Nadzorni odbor Preduzeća će izvršiti izbor kandidata Odbora za reviziju, većinom glasova na osnovu provedenog Javnog konkursa i podnijeti prijedlog za imenovanje Skupštini Preduzeća.

Mandat članova Odbora za reviziju traje 4 (četiri) godine, sa mogućnošću ponovnog izbora, u skladu sa zakonom.

Dužnosti Odbora za reviziju utvrđene su članom 28. Zakona o javnim preduzećima Federacije Bosne i Hercegovine.

Naknada i druga prava članova Odbora uređuju se ugovorom na osnovu odluke Nadzornog odbora.

### **III**

Kandidat koji aplicira za člana Odbora za reviziju mora ispunjavati slijedeće uslove:

#### **A. OPĆI**

1. da je stariji od 18 godina, a mlađi od 65 godina na dan imenovanja, (dokaz: ovjerena kopija lične karte),
2. da je državljanin Bosne i Hercegovine i da ima prebivalište u Bosni i Hercegovini, (dokaz: uvjerenje o državljanstvu, ne starije od 6 mjeseci i CIPS-ovu prijavu prebivališta ne stariju od 3 (tri) mjeseca),
3. da nije otpušten iz državne službe, kao rezultat disciplinske mjere na bilo kojem nivou u Bosni i Hercegovini u periodu 3 (tri) godine, prije dana objavljivanja ovog konkursa, (dokaz: potpisana izjava ovjerena od nadležnog organa),
4. da se na njega ne odnosi član IX. 1. Ustava Bosne i Hercegovine, (dokaz: potpisana izjava ovjerena od nadležnog organa),
5. da se protiv njega ne vodi krivični postupak, odnosno da nije osuđivan za krivično djelo i privredni prijestup-prekršaj nespojive s dužnošću člana Odbora za reviziju, 5 (pet) godina od dana pravosnažnosti presude, isključujući vrijeme zatvorske kazne (dokaz: uvjerenje nadležnog suda i policijske uprave o nevođenju krivičnog postupka, odnosno da nije osuđivan za krivično djelo ili privredni prijestup-prekršaj koji predstavlja smetnju za imenovanje na poziciju člana Odbora za reviziju, (ne starije od 3 mjeseca),
6. da nije lice kojem je presudom suda zabranjeno obavljanje dužnosti u nadležnosti Odbora za reviziju, (dokaz: potpisana izjava ovjerena od nadležnog organa),
7. da nije izabran zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u institucijama vlasti F BiH odnosno Bosne i Hercegovine, (dokaz: potpisana izjava ovjerena od nadležnog organa),
8. da nije na funkciji u političkoj stranci, (dokaz: potpisana izjava ovjerena od nadležnog organa),
9. da nije član Nadzornog odbora ili Uprave Preduzeća, zaposlenik Preduzeća, niti da ima direktni ili indirektni finansijski interes u Preduzeću, (dokaz: potpisana izjava ovjerena od nadležnog organa).

## B. POSEBNI

- da ima visoku stručnu spremu – ekonomskog ili drugog društvenog smjera (dokaz: ovjerenu fotokopiju dokaza o stručnoj spremi),
- najmanje dvije godine radnog iskustva na poslovima računovodstva (dokaz: potvrda/uvjerenje o radnom iskustvu),
- da posjeduje stručna znanja vezana za nadležnosti i rad Odbora za reviziju i način rada organa upravljanja privrednih društava.

## IV

Prilikom procjene kvalifikacija i iskustva kandidata uzet će se u obzir i slijedeće:

- sposobnost prepoznavanja, zastupanja i zaštite interesa Preduzeća,
- sposobnost za odgovorno obavljanje dužnosti člana Odbora za reviziju,
- izražena inicijativnost i neovisnost u radu i donošenju odluka,
- znanje i sposobnost razumijevanja finansijskih i poslovnih izvještaja, poznavanje ukupnog zakonodavstva na području djelovanja Odbora za reviziju i privrednog prava,
- sposobnost upravljanja finansijama i ljudskim resursima,
- posjedovanje certifikata za samostalnog računovođu i neovisnog revizora, (dokaz: ovjerenu kopiju certifikata za samostalnog računovođu i neovisnog revizora ukoliko iste posjeduju),
- komunikacijske i organizacijske sposobnosti,
- rezultati ostvareni tokom dosadašnjeg rada.

## V

Kandidati koji uđu u uži izbor biće pozvani na intervju.

Javni konkurs za podnošenje prijave ostaje otvoren 20 (dvadeset) dana od dana objavljivanja u dnevnom listu Oslobođenje.

Prijave kandidata treba da sadrže: biografiju, adresu i kontakt telefon.

Prijave sa svim traženim dokumentima treba dostaviti lično ili preporučenom poštom, na adresu:

**JP RTV VOGOŠĆA d.o.o. Vogošća**  
**ul. Jošanička 33**  
**71 320 Vogošća**

**sa naznakom „Prijava na Javni konkurs za izbor i imenovanje Odbora za reviziju“**

Neblagovremene i nepotpune prijave neće se uzeti u razmatranje.

**PREDSJEDNIK NADZORNOG ODBORA**



**mr.iur Dženan Alić s.r.**